


張仲景傷寒論貫珠集卷之二



飲鶴山人九怡在涇注

陽明篇

辨列陽明條例大意

太陽寒從外入是以經病多於府病陽明則府病多於經病以經邪不能久留而府邪常聚而不行也故仲景以胃家實為陽明正病本篇先列府病於前次列經病於後遵先聖之法也而經病有傳經自受之不同府病有宜下宜清宜溫之各異詳見各條要皆不出為正治之法也此為上篇凡五十條其次則為明辨法蓋陽明以胃實為病之正

以攻下為法之的而其間有經府相連虛實交錯
或可下或不可下或可下而尚未可下及不可大
下之時故有脈實潮熱轉失氣小便少等辨及外
導潤下等法又其次為雜治法謂病變發黃畜血
諸候非復陽明胃實或經邪留滯之時所可比例
或散或下所當各隨其證而異其治者也此為下
篇凡三十三條

陽明正治法第一

陽明府病證因十二條

陽明之為病胃家實也。

胃者彙也水穀之海而陽明之府也胃家實者邪熱

入胃與糟粕相結而成實非胃氣自盛也凡傷寒腹滿便悶潮熱轉失氣手足澀澀汗出等證皆是陽明入府之證也

問曰病有太陽陽明有正陽陽明有少陽陽明何謂也
答曰太陽陽明者脾約是也正陽陽明者胃家實是也
少陽陽明者發汗利小便已胃中燥煩實大便難是也
太陽陽明者病在太陽而兼陽明內實得之津液素
虧胃陽獨盛而脾陰不布為脾約也正陽陽明者邪
熱入胃糟粕內結為陽明自病活人所謂病人本穀
盛氣實是也少陽陽明者病從少陽而轉屬陽明得
之發汗利小便津液去而胃中燥熱邪因得轉附糟

粕也。此因陽明之病有是三者之異，故設為問答以明之。而其為胃家實則一也。

問曰：陽明病外證云何？答曰：身熱、汗自出、不惡寒、反惡熱也。

問曰：病有得之一日不發熱而惡寒者何也？答曰：雖得之一日惡寒，將自罷。即自汗出而惡熱也。

問曰：惡寒何故自罷？答曰：陽明居中土也。萬物所歸，無所復傳。始雖惡寒，二日自止。此為陽明病也。

經邪未變，故惡寒入府則變熱而不寒。經邪不能聚，故傳入府則聚而不傳。曰萬物所歸者，謂邪氣雖經入府聚而不行，如萬物之歸於土也。是以惡寒為傷。

寒在表之的證而惡熱為陽明入府之的證始雖惡寒不久即止豈若太陽始終有寒者哉此三條並論陽明受病之證也

問曰何緣得陽明病答曰太陽病發汗若下若利小便此亡津液胃中乾燥因轉屬陽明不更衣內實大便難者此名陽明病

胃者津液之府也汗下利小便津液外亡胃中乾燥此時寒邪已變為熱熱猶火也火必就燥所以邪氣轉屬陽明也而太陽轉屬陽明其端有二太陽初得病時發其汗汗先出不徹因轉屬陽明者為邪氣未盡而傳其病在經此太陽病若汗若下若利小便亡

津液胃中乾燥因轉屬陽明者為邪氣變熱而傳其病在府也此陽明受病之因也

傷寒四五日脉沉而喘滿沉為在裏而反發其汗津液越出大便為難表虛裡實久則譫語

脉沉者病在裡也喘滿者因滿而喘病之實也傷寒四五日病在裡而成實法當攻裡而反發其汗津液外亡腸胃內燥大便為難所必然矣表虛裡實亦即表和裡病之意久則譫語者熱氣乘虛必歸陽明而成胃實也

脉陽微而汗出少者為自和也汗出多者為太過陽脉實因發其汗出多者亦為太過太過為陽絕於裡亡津

液大便因鞭也

脉陽微者諸陽脉微即正之虛也故汗出少者邪適去而正不傷為自和汗出多者邪雖却而正亦衰為太過也陽脉實者邪之實也然發其汗出多者亦為太過為其津亡於外而陽絕於裏也夫陽為津液之源津液為陽之根汗出過多津液竭矣陽氣雖存根本則離故曰絕陽陽絕津亡大便焉得不鞭耶

脉浮而乳浮為陽乳為陰浮乳相搏胃氣生熱其陽則絕

脉浮為盛於外脉乳為歉於內浮為陽謂陽獨盛也乳為陰謂陰不足也浮乳相搏陽有餘而陰不足胃

液枯竭内生虛熱雖有陽氣無與為偶亦如上條之意也故曰其陽則絕以上三條乃因陽明受病之因而申言之其下三條則申言陽明受病之證也

傷寒發熱無汗嘔不能食而反汗出濇濇然者是轉屬陽明也

傷寒轉繫陽明者其人濇濇然微汗出也

發熱無汗為太陽病在表嘔不能食者邪欲入裏而正氣拒之也至汗出濇濇則太陽之邪陽明已受之矣故曰轉屬陽明太陽寒在皮毛腠理閉塞故無汗

陽明熱在肌肉腠理開液泄故濇濇然汗自出也

病人不大便五六日繞臍痛煩躁發作有時者此有燥

屎故使不大便也

熱結陽明為不大便五六日為繞臍痛煩躁發作有時皆燥屎在胃之徵有時謂陽明主時為日晡也陽明燥結不得大便意非大承氣不為功矣

調胃承氣湯證四條

太陽病三日發汗不解蒸蒸發熱者屬胃也調胃承氣湯主之

發汗不解邪不外散而欲內傳為去太陽而之陽明之候也蒸蒸發熱者熱聚於內而氣蒸於外與太陽邪鬱於外而熱盛於表者不同故彼宜解外而此宜攻裏也然無燥實等證則所以治之者宜緩而不宜

急矣調胃者調其胃氣返於沖和不使熱盛氣實而
劫奪津氣也

調胃承氣湯方

大黃一兩

芒硝一兩

甘草五錢

右三味以水三升先煮甘草取二升去渣內大黃煮
取一升去渣內芒硝更上微火一兩沸分溫再服

傷寒十三日不解過經譫語者以有熱也當以湯下之
若小便利者大便當鞭而反下利脉調和者知醫以丸
藥下之非其治也若自下利者脉當微厥今反和者此
為內實也調胃承氣湯主之

此亦邪氣去太陽而之陽明之證過經者邪氣去此

而之彼之謂非必十三日不解而後謂之過經也觀
三卷第二十條云太陽病過經十餘日又本卷第六
十六條云此為風也須下之過經乃可下之則是太
陽病罷而入陽明或傳少陽者即謂之過經其未罷
者即謂之併病耳識語者胃有執逆執則當以湯下
之若少便利者津液偏滲其大便必鞭而反下利脉
調和者知醫以丸藥下之為治之故非病之情也脉
微厥脉乍不至也言自下利者裡氣不守脉當微厥
今反和者以其內實雖下利而有燥屎本屬可下之
候也故當以調胃承氣下其內實

陽明病不吐不下心煩者可與調胃承氣湯

病在陽明既不上涌又不下泄而心煩者邪氣在中
土鬱而成熱也經曰土鬱則奪之調胃承氣蓋以通
土氣非以下燥糞也

傷寒吐後腹脹滿者與調胃承氣湯

吐後腹脹滿者邪氣不從吐而外散反因吐而內聚
也然脹形已具自必攻之使去而吐後氣傷又不可
以大下故亦宜大黃甘草芒硝調之俾返於和而已
設遇庸工見其脹滿必以枳朴為急矣

小承氣湯證三條

太陽病若吐若下若發汗微煩小便數大便因鞭者與
小承氣湯和之愈

若與或同病在太陽或吐或下或汗邪仍不解而轉微煩邪氣不之表而之裏之徵也小便數大便因鞭者熱氣不之太陽之本而之陽明之府可與小承氣和胃除熱為主不取大下者以津液先亡不欲更傷其陰耳

太陽之本
膀胱也

小承氣湯方

大黃四兩

厚朴二兩炙去皮

枳實三枚大者炙

右三味以水四升煮取一升二合去滓分溫二服初

服湯當更衣不爾者盡飲之若更衣者勿服之

陽明病其人多汗以津液外出胃中燥大便必鞭鞭則

譏語小承氣湯主之若一服譏語止更莫復服

汗生於津液而津液資於穀氣故陽明多汗則津液外出也津液出於陽明而陽明亦藉養於津液故陽明多汗則胃中無液而燥也胃燥則大便鞭胃寔而不和則讖語是宜小承氣以和胃而去寔若一服讖語止更莫復服以津液先亡不欲多下以竭其陰亦如上條之意也

大承氣湯證九條

陽明病讖語有潮熱反不能食者胃中必有燥屎五六枚也若能食者但鞭耳宜大承氣湯下之

傷寒胃熱而虛者能食胃熱而寔者不能食而陽明病有燥屎者為寔熱無燥屎者則為虛熱然有燥屎

者胃中實可攻之屎不燥但鞭而能食者胃氣盛亦可攻之故主以大承氣通裏而除熱也

大承氣湯方

大黃

四兩

厚朴

半觔炙

枳實

五枚炙

芒硝

三合

右四味以水一斗先煮三物取五升去滓內大黃煮取二升去滓內芒硝更上火微一兩沸分溫再服得下餘勿服

病人小便不利大便乍難乍易時有微熱喘冒不能臥者有燥屎也宜大承氣湯

小便不利者其大便必澀而有燥屎者水液雖還入胃猶不足以潤之故大便乍有難時而亦乍有易時

也若時有微熱喘冒不得臥則熱氣外攻內擾而復上達知其聚於中者盛也故曰有燥屎也大便秘雖有易時亦必以大承氣為主矣

大下後六七日不大便秘煩不解腹滿痛者此有燥屎也所以然本有宿食故也宜大承氣湯

陽明病實則邪易聚而不傳虛則邪不得聚而傳是以雖發潮熱而大便澹者邪氣轉屬少陽而胸脇滿不去雖經大下而有宿食者邪氣復集胃中而不大便秘煩滿腹痛有燥屎而彼與小柴胡此宜大承氣一和一下天然不易之法也小柴胡證見本卷第四十一條宜互攻